

【经文信息】大正藏第 45 册 No. 1891

文殊指南图赞 1 卷

No. 1891


佛国禅师文殊指南图赞

中书舍人张商英述

华严性海纳香水之百川。法界义天森宝光之万像。极佛陀之真智。尽含识之灵源。故世主妙严文殊结集。龙宫诵出。鸡岭传来。继踵流通普闻华夏。李长者合论四十轴。观国师疏钞一百卷。龙树尊者二十万偈。佛国禅师五十四赞。四家之说学者所宗。若乃撮大经之要枢。举法界之纲目。标知识之仪相。述善财之悟门。人境交参事理俱显。则意详文简。其图赞乎。信受奉行为之序引。

善财童子初诣袈罗林中。参 文殊师利菩萨。象王顾盼。师子嚙呻。六千比丘言下成道。五众益友顿启初心。得根本智指南法门。证十信心。

赞 曰。



出林还又入林中
 师子吼时芳草绿
 六千乞士十心满
 珍重吾师向南去


便是娑罗佛庙东
 象王回处落花红
 五众高人一信通
 百城烟水渺无穷

善财童子第二诣妙峯山。参 德云比丘。罗寻觅七日方见在别峯上徐步经行。顶礼问法。入佛境界。得忆念诸佛普见法门。证发心住。

赞 曰。

德云长在妙高峯

行遶峯头不定踪



七日既云寻未见	一朝何故却相逢
发心住处师缘合	普见门中佛境容
回首夕阳坡下望	白云青嶂万千重

善财童子第三诣海门国。参 海云比丘。十二年中观海现佛。千二百岁摩顶说经。忆念受持。聚笔难写。得普眼法门。证治地住。

赞 曰。

一入多门又到门	分明普眼照乾坤
十年观海深深趣	千载闻经品品存
白浪涌花成异瑞	红莲现佛独称尊



须弥聚笔休云写 万顷沧波欲断魂

善财童子第四诣楞伽道傍。参 善住比丘。来往空中广现神变。手摩日月。身出烟焰遍游佛刹普散天花。得普速疾供养诸佛法门。证修行在。

赞 曰。

迢迢一到海楞伽	遥望空中事可佳
念念遍游诸佛刹	纷纷艳曳落天花
手摩日月三轮外	身出烟云四面遮
若也更求生贵乐	禹门洪浪跳金蜗



善财童子第五诣达里茶国。参 弥加长者。问已作礼散香花宝。放光照耀。分别字轮。究万类音。悟总持法。得妙音陀罗尼法门。证生贵在。

赞 曰。

檀末金香香宝珍
 腾腾光照三千界
 鬱密林蛮处虎豹

缤纷散后现威神
 落落言分万字轮
 深沈渊泽聚龙麟



妙音唱出陀罗语 辨尽胡人与汉人

善财童子第六诣住林城。参 解脱长者。一身中现十方佛刹土。佛无异国土何殊。不来而来。要见即见。得如来无碍庄严法门。证具足住。

赞 曰。

十二年中到住林 住林深处访知音



有时要见十方佛 无事闲观一片心
 不去不来如焰影 缘生缘灭过光阴
 庄严门启谁人到 幽径落华流水深

善财童子第七诣摩利伽罗国。参 海幢比丘。半年观察三昧。定境现十四类。涌百千相。般若智照何所不彰。得普眼舍得法门。证正心住。



赞 曰。

光阴已过半身间	终日冥然静若山
身上出生十四类	毫中涌现百千般
一心观察无休息	六月思惟不等闲
摩利伽天好春色	柳莺梁燕语绵蛮

善财童子第八诣海潮处园林。参 休舍优婆夷。堂阁庄严。陂池间错。智悲同运。生死双



摧。启菩提心。悟究竟愿。得离忧安隐幢法门。证不退住。

赞 曰。


宝树园林间宝墙	金光明网布金床
千层堂阁穹崇丽	万派陂池汗漫香
究竟愿门周法界	菩提心广遍尘方
河沙诸佛曾承事	安隐幢高是歇场

善财童子第九诣那罗素国。参 毘目瞿沙仙人。无量仙人同音赞。已下林执手佛刹现前悟真净智。卷舒自在得无胜幢法门。证童真住。

赞 曰。

毘目仙人下宝床
十方佛境同时现
无胜妙幢腾瑞色

摩头执手看殊祥
万象星罗忽顿彰
遮那文藏显灵光



却还本座求端的 转觉平生见处长

善财童子第十诣伊沙聚落。参 胜热婆罗门。五热炙身。心生疑惑诸天共赞。顿悔自愆。直上刀山投身火聚。得无尽轮法门。证王子住。

赞 曰。



若使全身投火聚
六天赞后方知妙
无尽轮中王子住

先须努力上刀山
五热熏时岂等闲
玉楼金殿锁尘寰

善财童子第十一诣师子奋迅城。参 慈童女。师子宫殿龙胜天衣一一器中佛
佛影现。能证诸行所了境智。得般若波罗蜜多法门。证灌顶住。



赞 曰。

控鹤乘云入帝乡
 俊猊城里音容秀
 一一器中含佛刹
 千门万户今朝启

渐观真境渐难量
 龙胜床高雅韵长
 重重影内现神光
 成朵波罗花满堂

善财童子第十二诣三眼国。参 善见比丘。顶(本经作颈)文三道圆光一寻。万字胸标金轮掌



现。顺机顺法。无念无照。得随顺灯法门。证欢喜行。

赞 曰。

直入城中借问人	人人指点在云林
便知求友到三眼	忽见吾师光一寻
三十八河崇佛事	百千万劫听潮音
出家何必云年少	一息蹉跎岁月深

善财童子第十三诣名闻河渚中。参 自在童子。八部龙天空中告语。十千童子乐共戏沙。工巧方术商农算印。得工巧大神通智法门。证饶益行。

赞 曰。

十千童子乐无涯
不可数穷为转转
巧书算印将何用

河渚沙中共戏沙
阿庾多计洛叉叉
医相商农未足夸



大智光明如会得 满天星月属皇家

善财童子第十四诣海住城中。参 见足优婆夷。敷十亿座。延无量人。安一小器。涌无量宝。万方来者悉得满足。得无尽福德藏法门。证无违逆行。

赞 曰。



须知隐约千般外
四圣授时成圣果
少林别有真滋味

尽出希微一器中
六凡食后脱凡笼
花果馨香满木红

善财童子第十五诣大兴城。参 明智居士。处高台上。仰视空中一切诸宝缤纷而下。若贵若贫财施法施。得随意出生藏法门。证无屈挠行。



赞 曰。

万象澄明绝点埃
求财穷子纷纷到
施物应机心路远
万般千样从空落

大兴居士在高台
听法高流迭迭来
出生随意藏门开
无量人天饱暖回

善财童子第十六诣师子宫城。参 宝髻长者。执手观宅。重迭妙阁。见十界生。施十种



宝。过去修因蕴积智藏。得无尽藏法门。证离(华严疏作无)痴乱行。

赞 曰。

执手归家看技能	善财一见长威棱
十重楼阁从头觑	三世如来最上层
今日人间成妙果	当年佛所施香灯
若将此事为奇特	辜负南山万岁藤

善财童子第十七诣藤根国。参 普眼长者。调香调药。理身理心。运平等悲。利益无量。是生皆度。是佛俱见。得普见诸佛欢喜法门。证善现行。

赞 曰。

远入藤根路渺茫
身心安乐浑无病
禅悦珍羞平济惠

普门普眼趣何长
香药调和别有方
名衣上服等分张



微尘生佛如求见 细把波罗蜜味尝

善财童子第十八诣多罗幢国。参 无厌足王。诏入宫殿。细观善恶。示现调伏。令修福业了生如幻化幻如生。得如幻法门。证无着行。


赞 曰。

幢王一诏入深宫 凤阁龙庭事莫同



剑戟刀山成妙用 镬汤炉炭显神功
 妄言恶舌当须断 杀盗邪淫禁不通
 便是金轮化天下 大千沙界鼓尧风

善财童子第十九诣妙光城。参 大光王。明明三昧入一切智。法法显现诸天围遶。种性庄严观仰无尽。得大慈幢法门。证难得行。



赞 曰。

百宝光城物象鲜
山川草木皆回转
以法摄持千万众
为君传道诚难得

又观王入定中圆
鸟兽鱼龙悉现前
归心侍卫几重天
十地三贤未比肩

善财童子第二十诣安住城。参 不动优婆夷。光触身者即得清凉。经乎尘劫不生欲心。



诸种胜法一智无碍。得求法无厌法门。证善法行。

赞 曰。

夷夷相好世难伦	正是当年个女人
过去劫逢无垢佛	至今成得有为身
几生欲海澄清浪	一片心田绝点尘
求法既云未休歇	朱颜应不惜青春

善财童子第二十一诣都萨罗城。参 遍行外道。徐行山顶。色相圆明。十千天人九十六种。观器观机。无依无作。得一切处菩萨行法门。证真实行。

赞 曰。

城里相寻晚景分
辉华气象凝青嶂
随类现身非一一

中宵城外去寻君
色相圆明步白云
当机演法未闻闻



东西南北微尘内 外道天魔尽出群

善财童子二十二诣广大国中。参 优钵罗华长者。采诸宝香合成一味。变化祥瑞普熏法界。使闻香者获法身香。得调和香法门。证离众生相回向。

赞 曰。


优钵罗华向日开 满天风味入灵台



雪山牛首皆收到
一炷普熏成雨露
吾家不用调和法

象藏龙宫尽采来
十方腾瑞起风雷
也自馨香遍九垓

善财童子第二十三诣楼阁城中。参 船师婆施罗。一切商人共论宝。聚酌海深浅。于其远近望月观星。知来识往。得大悲幢法门。证不坏回向。



赞 曰。

平生活计聚城楼	来往商人古岸头
鸥鹭过时江蓼嫩	燕鸿归后白苹秋
碧天有月寻珠浦	沧海无风到宝洲
鼓掉呈桡何处客	入云帆势去悠悠

善财童子第二十四诣可乐城中。参 无上胜长者。无忧林中理断世务。八部龙天一切



人畜无贪无嗔无鬪无诤。得一切处无作神通法门。证等一切佛回向。

赞 曰。


十有余年四海游	因寻上胜到无忧
几多魔畜贪瞋息	八部龙天鬪诤休
一切处修菩萨行	三千世界鬼神愁
祇因成就如斯力	唤得劳生尽转头

善财童子第二十五诣**输**那国中。参 师子嚩呻比丘尼。妙胜光王日光园中。八德流泉百花宝木。头头映现一一示身。得成就一切智法门。证一切处回向。

赞 曰。

师身已得意生身
泉沼灵源八德美
头头显现辉心镜


遍往尘方指示人
园林宝树百花新
各各随宜转法轮



多劫既能师子吼 不知何处又嗔呻

善财童子第二十六诣峻难国中。参 婆须蜜女。现真金色。身出光明。或现或触。无染无着。了性欲空皆获道果。得离贪欲际法门。证功德藏回向。

赞 曰。



执手抱身心月静 吻唇接舌戒珠圆
人非人女皆随现 天与天形应不偏
三德已明贪欲际 酒楼花洞醉神仙

善财童子第二十七诣善度城中。参 鞞瑟胝罗居士。如来塔开栴檀香座。百千诸佛悉来此中。无涅槃者但为调伏。得不般涅槃际法门。证善根回向。



赞 曰。

山川重迭转艰难	到此平生意气欢
鞞瑟胝罗如月满	栴檀佛塔似天宽
但观种类示调伏	不见如来般涅槃
三昧境随成正觉	十方尘刹掌中看

善财童子第二十八诣补陀(本经作怛)落迦山。参 观自在菩萨。诸菩萨众各坐
宝石。犹如满



月。共演慈音。说离怖畏。随宜摄化。得大悲行法门。证随顺众生回向。

赞 曰。

迤邐山西岩下求	金刚宝石月轮秋
善财童子叮咛语	却问观音那路修
一切含生离怖畏	百千异类等调柔
闻思修入三摩地	犬吠鸡啼卒未休

善财童子第二十九即此空中。参 正趣菩萨。放大光明映夺诸相。足按地六种震动。过微尘国事无量佛。得普门速疾行。证真如相回向。

赞 曰。

堂堂此界太虚中
日月星辰光映夺
从来国土无空过

身放毫明照不同
天人龙鬼貌朦胧
所到师门有变通



普疾行功聊借问 竹房云锁日头东

善财童子第三十诣堕罗钵底城。参 大天神。长伸四臂取四海水。以自灌
沐。示现珍宝供养如来。令离诸欲。得云网法门。证福德藏回向。

赞 曰。

四手长伸取四溟 持来掌上蓦头倾



回观面目身心净
云网碧幢重迭迭
试拈此物为施設

又见乾坤日月明
花香宝聚积盈盈
蠢动含灵道自成

善财童子第三十一诣菩提场。参 安住地神。各放光明。阿僧祇宝悉皆涌现。昔善根力佛记无忘。得智慧藏法门。证法界无量回向。



赞 曰。

行到阎浮摩竭陀	地神百万列星罗
口谈佛记心持尽	足按僧祇宝涌多
得此法门常出入	便观尘劫不諠讹
等将法界同回向	普放光明见也摩

善财童子第三十二诣迦毘罗城。参 婆珊婆演底主夜神。诸天星辰炳然在体。云雾黑



暗现日月明。巖嶮恶道作桥梁路。得破碍暗光明法门。证欢喜地。

赞 曰。

西落金乌夜放光	迦毘罗国现荧煌
密云重雾行平陆	暴雨瓢风涉渺茫
便向暗中悬日月	却来嶮处架桥梁
已知多劫成方便	今日相逢喜一场

善财童子三十三诣菩提场。参 普德净光主夜神。十种圣智四禅定心。三宝威光五停识观。开出家门示正道路。得普游步法门。证离垢地。

赞 曰。

自喜求师不远寻 不离场内听潮音
翻思昔日闻谈妙 未似今宵得意深
十种法门圆圣智 四禅分别合天心



又能寂静还游步 离垢花开向少林

善财童子第三十四不离菩提场。参 喜目观察众生主夜神。一一毛孔涌出身云。现相随机。演他心智入解脱海。诚希有事。得大势力普喜幢法门。证发光地。

赞 曰。

诸方堂奥足参人 子细寻思未似君



念念出生成念海 身身示相现身云
他心智妙智非智 天耳闻通闻不闻
几劫辛勤求大用 而今势力顿超群

善财童子第三十五即众会中。参 普救众生妙德主夜神。两眉放光舒身济顶。大人境界。知佛现时普焰出世妙眼发心。得调伏众生法门。证焰慧地。



赞 曰。

眉里舒毫灌顶时
论心境界重重现
妙眼我身何有异
普贤普焰今何在

净轮三昧合如之
说佛光明渐渐知
宝王慈氏更无疑
雪满长空花满枝

善财童子第三十六即道场中。参 寂静音海主夜神。念念出生无边大喜之心。发起无



量大悲法藏法义。如云如海。得出生广大喜庄严法门。证现前地。

赞 曰。

百万僧祇众遶身	摩尼幢座涌莲新
从来念念出生喜	发起心心触处真
我见我观无量境	成云成海有前因
略言师友逢多少	二刹如来是故人

善财童子三十七诣如来会中。参 守护一切城主夜神。普现色身演佛法藏。闻思修慧密赴群机。令诸含识守护心城。得甚深自在妙音法门。证难胜地。

赞 曰。

宝座光中普现身
我观法界无边表
行法名轮重演说

又开佛藏济生民
谁信陀罗有利人
闻思修慧再宣陈



妙音虽是胡家拍 韵出阳春雪曲新

善财童子第三十八诣佛会中。参 开敷木(本经作树)花主夜神。随心现身。普使知见莲华覆合嶮难恶道。救拔有情令断爱网。得出生广大喜光明法门。证远行地。

赞 曰。


閻里花生尽护归 不令峻路受驱驰



愚迷罗网刀摧后
智慧山王腾化日
算来已是经多劫

贪染稠林杵挫之
宝光明女发心时
远地相逢也深奇

善财童子第三十九诣道场中。参 大愿精进力救护众生主夜神。随机随像。一身多身妙色妙智如日如月。普救罪人获心眼净。得教化众生令生善根法门。证不动地。



赞 曰。

太子当年救罪人
十千信士心离垢
妙色莹如秋色静
宝光佛出林中后

而今普现一多身
百亿那由眼绝尘
智轮明似日轮新
又见昙华几度春

善财童子第四十诣毘岚园中。参 妙德圆满主夜神。普观十方一切佛降往劫乳母今



朝园主。悟受生藏生如来家。得受生自在法门。证善慧地。

赞 曰。

逢君直语受生因	便作如来家里人
一念尽观尘数佛	十方同看降威神
欲知今日园林主	便是当年乳母身
别有世间曾未见	一行一步一华新

善财童子第四十一诣法界讲堂。参 释种瞿波女。一万宫神俱来迎赞现前法尔。过去因缘香牙园佛菩提种智。得观察三昧海法门。证法云地。

赞 曰。

因游法界讲堂中
尽说目前千万事
法云容曳舒群岳

逢见瞿波女不同
又云尘劫许多功
教网张罗满太空



检点人生成好笑 香牙园里杏花红

善财童子第四十二诣此世界中。参 佛母摩耶圣后。在大楼观坐宝莲华。色相端严威光显著。念念佛出生生为母。得大愿智幻生法门。

赞 曰。



遥看楼观重重妙 忽见莲华叶叶新
念念愿为诸佛母 生生示作女皇身
可怜心腹含容大 包尽微尘世界人

善财童子第四十三诣三十三天上。参 天主光天女。历微尘劫事微尘佛。受
持法语未曾忘失。有益悲智无不现前。得无碍念清净庄严法门。



赞 曰。

三十三大天主天	不知何代结因缘
青莲花界初心启	妙月光中得意圆
勤苦已经无量劫	修持又觉有多年
阎浮界内人相问	诸法如今已现前

善财童子第四十四诣迦毘罗城。参 童子师遍友。实时指去不示一言。显无法真法无



得是得。空过此处未易前程。昔者闻名。今朝见面。

赞 曰。

万里相寻自不言	却云他得艺能全
求人忽若浑如此	是我平生岂偶然
传道友方成妄说	说名师轨也虚传
已倾肝胆寻知识	料得前头必有缘

善财童子第四十五不离当处。参 善知众艺童子。以无碍智穷世间艺。唱诸字母入诸法门。鸟兽音声云霞气候。得善知众艺菩萨字智法门。

赞 曰。

闻得吾师众艺全
阿多波者言言谛
四十二门流布后

而今相见试敷宣
縑[牛*罗]迦陀字字诠
三千世界古今传



大明一智如何也 云散长空月正圆

善财童子第四十六诣婆^咀那城。参 贤胜优婆夷。心自开解利乐众生。眼耳鼻舌身意智性出生功德。普现光明。得无依处道场法门。

赞 曰。

自开自解自为人 便向红尘利有情



眼耳鼻含功德聚
能生能出门庭静
会得道场圆满处

舌身意现智光明
无尽无依境界清
一身锋刃致升平

善财童子第四十七诣沃田城。参 坚固解脱长者。百千万劫十方佛所。勤求正法未曾休息。大师子吼大福智聚。得无着念清净庄严法门。




赞 曰。

精进人希懈怠多
十方佛所无休息
万仞峯头云去后
自怜处世间清静

师勤法道恰相和
百劫身心有切蹉
千寻松顶鹤来过
花落闲庭长绿莎

善财童子第四十八即此城中。参 妙月长者。不谈法义。略示名字。显无得中又无所得。



即此无得又无得矣。是谓真得也。得净智光明法门。

赞 曰。


妙月高人又指他	向时遍友也空过
翻思两处语言少	却笑诸方路布多
悲焰明辉休语会	智光解脱是如何
君今不为通消息	白玉无瑕自琢磨

善财童子第四十九诣出生城。参 无胜军长者。垂示二法。而为开诱。见无量佛。得无尽藏。悟其所以。实亦省径。得无尽相法门。

赞 曰。

迢遥远入出生城
多谢吾师言两句
得无量藏因谁悟

闹市门头话道情
却深思我路千程
见尽高人合自明



作夜松床秋梦起 一天星月照檐楹

善财童子第五十即此城南聚落。参 最寂静婆罗门。发菩提心无有退转。过
现未来已退当退。随意作为皆悉成满。得诚愿语法门。


赞 曰。

城南聚落法门低 闻愿忻然意不迷



过去以诚成解脱 未来因语得菩提
随心随处作为满 无退无当旨趣齐
须信江南二三月 百花香里鹧鸪啼

善财童子第五十一诣妙意花城。参 德生童子有德童女。幻生智悲。缘相知见。无明烦恼。国土众生。依正同空。悉皆如幻同。得菩萨幻住法门。



赞 曰。

德生有德两和融	同幻同生意莫穷
同住同修成解脱	同悲同智显灵功
同缘同想心冥契	同见同知道转通
若要一生成佛果	毘卢楼阁在南中

善财童子第五十二诣毘卢藏楼阁。参 弥勒菩萨。伫立门前远方而至。顶礼入观妙境。



重重映现。佛佛全彰。出已还闭。思议不及。得一生佛果三世境界法门。

赞 曰。

楼阁门前立片时	龙华师主远方归
不唯弹指观深妙	又听慈音语细微
理智行为身日月	菩提心是道枢机
许多境界何来去	万里天边一雁飞

善财童子第五十三诣佛会中。参 普贤菩萨。乘白象王处红莲座。一心亲近
咨闻法要。智慧圆满。行愿功成。即获佛德。显同果海。得一切佛刹微尘数
三昧法门。

赞 曰。

百一由旬摩顶归 片心思见普贤师
堂堂现在红莲座 落落分明白象儿
沙劫智慧方满日 微尘行愿正圆时



佛功德海重宣说 愁见波涛转渺渺

佛国禅师昔居龟寺。今在凤城。观善财童子参诸知识未有休期。咄直下承当豁然。休歇大用现前。

赞 曰。

时光已是觉蹉跎
五十余人皆问讯

嗟尔平生跋涉多
百重城郭尽经过



而今到此休分别
忽若更云南北去

直下承当得也么
分明鸡子过新罗

【经文信息】大正藏第 45 册 No. 1891 文殊指南图赞

【版本记录】CBETA 电子佛典 Rev. 1.13 (Big5), 完成日期: 2010/10/25

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
